

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-02/01-05-1210-38/19
Sarajevo, 04.03.2019. godine

SKUPŠTINA KANTONA SARAJEVO
Služba za skupštinske poslove
- O v d j e -

KANTON SARAJEVO
Stručna služba Vlade
N/r Sekretara
- O v d j e -

Zastupnica Neira Dizdarević je na 4. Radnoj sjednici Skupštine Kantona Sarajevo, održanoj dana, 30.01.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavila zastupničko pitanje kako slijedi:

“Sredinom 2018. godine uputila sam inicijativu resornom ministarstvu da pokrene aktivnosti na osiguranju stalne novčane pomoći nezaposlenim roditeljima-odgajateljima sa područja Kantona Sarajevo, koji imaju troje ili više djece, i to mjesečno u iznosu minimalne neto plaće u Federaciji BiH.

U odgovoru Ministarstva je navedeno da je isto već pokrenulo aktivnosti na sagledavanju stanja u oblasti zaštite porodice sa djecom u KS, sa ciljem poboljšanja, te pristupilo prikupljanju podataka od lokalnih samouprava o broju porodica sa 3 i više djece.

Da li su navedeni podaci objedinjeni i da li je urađena finansijska procjena moje inicijative?”

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo je odgovor na inicijativu koju je zastupnica Neira Dizdarević pokrenula na 42. Radnoj sjednici Skupštine Kantona Sarajevo održanoj dana 07.05.2018. godine, sačinilo i dostavilo Službi za skupštinske poslove i Stručnoj službi Vlade dana 01.06.2019. godine.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



U dostavljenom odgovoru informisali smo zastupnicu o tome da je Ministarstvo pokrenulo aktivnosti na prikupljanju relevantnih informacija i sagledavanju stanja u oblasti zaštite porodice sa djecom u Kantonu Sarajevo sa ciljem poboljšanja stanja u oblasti, te eventualnom kreiranju novih mjera zaštite za ove korisnike. U tom smislu, od općina smo prikupili podatke o broju porodica sa troje i više djece, koje su evidentirane u općinskim službama nadležnim za oblast socijalne i zaštite porodica sa djecom, a što se tiče finansijske procjene dostavljene inicijative, ista nije urađena.

U odgovoru smo nadalje istakli činjenicu da će na ovu oblast veliki uticaj imati i zakonska regulativa sa nivoa Federacije BiH, koja je u proceduri donošenja, a koja će oblast zaštite porodice sa djecom regulisati na jedinstven način u cijeloj Federaciji BiH. Obzirom na prethodno navedeno, značajnim smatramo napomenuti da je Nacrt Zakona o podršci porodicama sa djecom u Federaciji BiH usvojen na Predstavničkom domu Parlamenta Federacije BiH i isti je upućen u dalju proceduru usvajanja u Dom naroda Parlamenta Federacije BiH. Donošenjem predmetnog zakona, zaštita porodice sa djecom će biti ujednačena na cijelom području Federacije BiH, a kantoni će biti u obavezi da donesu kantonalne propise iz ove oblasti usklađene sa ovim federalnim zakonom. Imajući u vidu značaj sadržaja navedenog zakona, kao i populaciju na čiju se zaštitu ovaj zakon odnosi, očekujemo da će isti biti usvojen i stavljen u primjenu u što skorijem periodu, a ovo ministarstvo će svakako svoju politiku u oblasti zaštite porodice sa djecom uskladiti sa predmetnim federalnim propisom iz ove oblasti.

Ističemo također i činjenicu da je Kanton Sarajevo, odnosno resorno ministarstvo i u ranijem periodu sa ciljem osiguravanja najbolje moguće zaštite korisnika u okviru raspoloživih budžetskih sredstava i važećeg zakonskog okvira kreiralo različite dodatne mjere zaštite korisnika, a što će i u narednom periodu biti opredjeljenje ovog ministarstva. U tom smislu, Ministarstvo za rad, socijalnu politiku, raseljena lica i izbjeglice Kantona Sarajevo će prilikom realizacije navedenog, svakako imati u vidu i predmetnu inicijativu zastupnice Neire Dizdarević.

S poštovanjem,

Pripremila: Smaragda Lučkin, stručni savjetnik
Kontrolisale: Cica Pljevljak, šef Odjeljenja
Slavica Gorančić, pomoćnik mini

Sekretarka Ministarstva, Belma Trajkov

Dostavljeno:
1. Naslovu x2,
2. Ministru,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

